

十三州志





志 州 三 十

纂 駟 闕
輯 謝 張

王雲五主編

叢書集成初編

十 三 州 志

中華民國二十五年十二月初版

朱

纂者

闕

翹

輯者

張

澍

發行人

王

上海河南路

五

印刷所

商

上海河南路

館

發行所

商

上海及各埠

館

本館據二酉堂叢
書本排印初編各
叢書僅有此本

序

案水經注引樂資九州記、應劭十三州記、又引黃義仲十三州記、南史梁吳均著十二州記十六卷、藝文類聚有黃恭十四州記、今其書皆佚、後魏敦煌闕系陰纂十三州志、據隋志十卷、唐志則十四卷、十六國春秋十卷、史通雜述篇云、郡書如常璩之詳審、劉昫之該博、能傳不朽、見稱來裔、又云、地理書者、若朱贛所采、浹於九州、闕駟所書、殫於四國、斯則言皆雅正、事無偏黨、顏師古漢地理志注多引之、其言曰、中古以來、說地理者多矣、或解釋經典、或纂述方志、競爲新異、妄有穿鑿、安處附會、頗失其真、今並不錄、獨有取於闕氏、可知其書之精審、所惜散逸不傳、他書徵引者亦復寥寥、余搜舊傳注、都爲一卷、斷珪碎璧、彌覺可珍云。

魏書本傳

闕翹字系陰。敦煌人也。祖涼。有名於西土。父玖。爲一時秀士。官至會稽令。翹博通經傳。聰敏過人。三史羣言。經目則誦。時人謂之宿讀。注王朗易傳。學者藉以通經。纂十三州志。行於世。蒙遜甚重之。常侍左右。訪以政治損益。拜祕書考課郎中。給文吏三十人。典校經籍。刊定諸子。三千餘卷。加奉車都尉。收隤待之彌重。拜大行遷尙書。姑臧乎。樂平王丕鎮涼州。引爲從事中郎。王薨之後。還京師。家甚貧敝。不免饑寒。性能多食。一飯至三升。乃飽。卒無後。

十三州志

涼 祕書考課郎中闕 駟纂 清 武威張 樹輯

大郡曰守。小郡曰尉。史記案隱

澍案黃義仲十三州記曰。郡之言君也。改公侯之封而言君者。至尊也。郡守專權。君臣之禮彌崇。今郡字君在其左。邑在其右。君爲元首。邑以載民。故取名于君。謂之郡。

成帝時。河堤大壞。汎濫青徐兗豫四州。略徧。乃以校尉王延代領河堤謁者。秩千石。或名其官爲護都水使者。中興以二府掾屬爲之。後漢書注

典屬國。武帝置。掌納匈奴降者也。哀帝省并大鴻臚。故今復置之。後漢書注

澍案前漢書西河郡美稭縣。上郡龜茲縣。並有屬國都尉。其秩比二千石。

大夫皆掌顧問。應對言議。夫之言扶也。言能扶持君父也。後漢書注

澍案大夫指光祿。大中。中散。諫議。大夫也。

護烏丸擁節。秩比二千石。武帝置。以護內附烏丸。旣而并於匈奴中郎將。中興初。班彪上言。宜復此官。以

招附東胡。乃復更置焉。後漢書注

澍案九一作桓。古字通。

計偕。秦漢謂諸侯朝使曰計偕。偕次也。晉代有計偕簿。漢書注

澍案顏師古曰。計者。上計簿使也。郡國每歲遣詣京師上之。偕者。俱也。令所徵之人。與上計者俱來。而縣次給之食。後世訛誤。因承此語。遂總謂上計爲偕計。闕駟不詳。妄爲解說。又改偕爲階。失之彌遠。是

糸陰本文作計階也。

侍御史周官。卽柱下史。秩六百石。掌注記言行。糾諸不法。員十五人。出有所案。則稱使者焉。後漢書注

謁者。秦官也。員十七人。皆選孝廉。年未五十。曉解僨贊者。歲盡。拜縣令。長史及都官府丞。長史。後漢書注

澍案劉攽云。縣令長下多一史字。

博士。秦官。博通古今。秩皆六百石。孝武初。置五經博士。後稍增至十四員。取聰明威重者一人爲祭酒。主領焉。後漢書注

武帝時。置博士弟子。太常擇人年十八以上。儀狀端正者補焉。昭帝增員滿百人。宣帝倍之。元帝更設員千人。成帝更增員三千人。後漢書注

長相。縣爲侯。邑則令。長爲相。秩隨令長本秩。後漢書注

澍案長爲縣長。相爲侯相也。

將兵長史。居在日南郡。又有將兵司馬。去雒陽九千六百三十里。後漢書注

有秩裔夫得假半章印綸青絲綬也鄭糸注禮記曰綸今有秩裔夫所佩也

後漢書注

京兆虎牙扶風都尉以涼州近羌數犯三輔將兵衛護園陵扶風都尉居雍縣故俗人稱雍營焉西羌傳

云虎牙都尉居長安

北堂書鈔

虎賁書稱虎賁三百人言其猛怒如虎之奔赴也孝武建元三年初置期門平帝元始元年更名虎賁郎

又武帝太初元年初置建章營騎後更名羽林以天有羽林之星故取名焉又取從軍死事之子孫養羽

林官教以五兵號曰羽林孤兒光武中興以征伐之士勞苦者爲之故名羽林士

太平御覽

赤水西有白玉山山有西王母堂室

太平御覽

澍案前涼錄馬岌言南山有石室王母堂珠璣鏤飾煥若神居卽此

奄蔡粟特各有長而魏收以爲一國

太平御覽

澍案漢書解詁云奄蔡卽闐蘇也魏略云西與大秦通東南與康居接其國多貂牧畜水草周書云粟

特國在蔥嶺之西蓋古之奄蔡一名溫那沙亦以爲一國又名粟弋又名特拘夢出大禾高丈餘子如

胡豆在安息北五千里附庸小國四百餘城太武帝時遣使朝貢

小宛併於鄯善

寰宇記

澍案扞零城小宛國王治西北至都護治所二千五百五十八里東與婁羌接

玉門縣置長三百里石門周匝山間裁經二十里衆泉流入延興漢罷玉門關屯徙其人於此故曰玉門縣。太平寰宇記

謝案地理志注引漢罷玉門關屯徙其人於此一句。

昭武蘇有臨澤亭在其東。初學記

舍衛國在月氏南萬里果大如三斗杓。一作盆食經曰種名果法取好直枝內著芋魁中種之。太平御覽

僧僵一作僧儻中國在天竺南佛寺三千餘所。一作其地有神珠非石非玉晝夜於國中光明如日珠徑一尺

五寸其色正碧。太平御覽

烏孫國嫁娶賣馬聘先令媒者與婦宿徐乃婿近。太平御覽

崑崙正在西海之戌地。一作北東海之亥地去岸十三萬里有弱水周回繞匝山南接積石系圃西北接北

戶之堂東北臨大活之井西南至承淵之谷此四角大山實崑崙之支輔也。博物志

謝案孫穀古微書引十三州志支輔也句下又有云積石圃南頭昔西王母告周穆王去咸陽三十六

萬里山高平去地三萬六千里上有三角面方廣萬里形如偃盆上有金臺玉闕亦系帝之所合天帝

君所治處也。

瓜州戎爲月氏所逐并六國築長城西不過臨洮則秦未有此地漢武帝後元六年分酒泉之地置敦煌

郡徙邊人以實之。應劭云：敦，大也。煌，盛也。故以名之。後魏天興三年，涼昭王立於敦煌，以子讓爲之郡守。

分敦煌之涼興、烏澤、晉昌之宜禾三縣置涼興郡焉。太平寰宇記

蔥嶺以東，人好淫僻，故龜茲于闐置女市以收錢。太平廣記

婁羌國濱帶南山，西有蔥嶺餘種，或虜或羌，戶口甚多也。在古不立君臣，無分長幼，疆則分種爲酋豪，弱則爲人附落，更相鈔暴，以力爲雄，唯殺人償死，無他禁令。其兵長於山谷，短於平地，不能持久，而果於觸突，以戰死爲利，病終爲不祥。太平寰宇記

澍案：婁羌地少五穀，以畜牧爲業，其俗氏族無定，或以父名母姓爲種號。廣志云：婁羌與北狄同，其人魯鈍，饒妻妾，多子姓，一人生子數十或至百人，嫁得高賁者，聘至百犢，女披大華氈，以爲盛服，一狗皮直數十匹。

效穀縣故魚澤障。初學記

澍案：前漢地理志云：桑欽說孝武元封六年，濟南崔不意爲魚澤尉，教力田，以勸效得穀，因立爲縣名。高昌壁故屬敦煌，有長谷在東，都尉居之。初學記

澍案：本漢車師國之高昌壁。後漢書云：車師國在車師城，後漢和帝永元三年，班超定西域之後，置戍已校尉，領兵五百人，居車師前壁，卽高昌壁也。漢武帝遣兵西討，師旅頓弊，其中尤困者因駐焉，地勢

高敞人庶昌盛。故立高昌壁。壁有人入城。其實本中州人。故目高昌爲地之稱。晉咸和中。張駿于此立高昌郡。後魏孝武時。有闕爽者。自爲高昌太守。至真君中。爲沮渠無諱所襲。因據之。至和平元年。爲蠕蠕所併。蠕蠕以闕伯周爲高昌王。自此以後。每有立者。輒爲人所殺。其後立麴嘉爲王。傳國九代。至智盛。不循職貢。唐貞觀十四年。討平。以其地置西州。漢書云。高昌之地。饒漆、蜜、多葡萄、香棗、金、鐵。婦女以婆羅樹績白疊布。

福祿城。謝艾所築。下有金泉。味如酒。有人飲此泉水。見有金色。從山中照水。往取得金。故名。括地志

澍案。應劭漢官儀曰。酒泉城下有金泉。泉味如酒。故曰酒泉。是金泉卽酒泉也。

淵泉。縣名。地多泉水。故以爲名。在今永州晉昌縣東北。漢地理志

澍案。張奐傳注如此。係十三州志原文補之。地理志引闕駟云。地多泉水。故以爲名。

左南津西六十里。有白土城。城在大河之北。而爲緣河濟渡之處。魏涼州刺史郭淮破羌。遮塞於白土。卽此處矣。水經注

澍案。郭淮爲雍州刺史。此云涼州。誤矣。

白石縣。在狄道西北二百八十五里。灘水逕其北。水經注

澍案。漢書地理志。灘水出西塞外。東至枹罕入河。應劭曰。故罕羌侯邑也。白石山在東。酈道元曰。今灘

水逕其南而不出其北也。

朱圉有石鼓。不擊自鳴。鳴則兵起。太平御覽

澍案漢地理志。天水冀縣有朱圉山。在縣南梧中聚。

廣大阪。在枹罕西北。罕并在焉。昔慕容吐谷渾自燕歷陰山西馳。而創居於此。水經注

枹罕縣。在隴西郡西二百一十里。灘水在城南門前東過也。水經注

澍案地理志。灘水出西塞外。東至枹罕入河。周地記云。枹罕。卽故罕并侯邑。水經注。灘水又東北逕石

門口。山高險。對崖如門峽。故得名。疑卽皋蘭山門也。

石城西一百四十里。有左南城。前涼張瑁從左南緣河而截趙麻秋軍。卽此地。水經注

石城謂之石城津。在金城西北。水經注

澍案河水東逕石城南。謂之石城津。又東南逕金城縣故城北。

左南城。河水經其南。故曰左南。圖經

澍案張天錫討羌廉歧。使掌璫向左南。

安故縣。在隴西郡南七十里。蓋延轉擊狄道安故五谿反羌。大破之。卽此也。水經注

澍案北堂書鈔引云。安故縣。在漢陽郡西南四十七里。

狄道故城。今曰武始也。洮水在城西北流。水經注

謝案寰宇記引云。降狄道。今曰武始。又案狄道。惠帝時改爲武始郡。以狄道爲降狄道。

狄道西北二百八十五里。有白石山。太平御覽

謝案漢地理志。禹貢養水所出。至武都爲漢。師古曰。氏之所居。故曰氏道。地理志云。狄道東有白石山。

大夏縣西有故金紐城。去縣四十里。本都尉治。水經注

謝案前涼錄。張駿十八年分武始。晉興。廣武。置大夏郡及縣。取縣大夏水爲名。水經注。濫水西北流。注

於洮水。洮水右合二水。左會大夏川水。水出西山。二源合舍而亂流。經金紐城南。寰宇記有金劍故城。

一號金柳城。疑金柳卽金紐也。

允吾縣西四十里。有小晉興城。湟水又東與閣門河合。卽浩疊河也。浩。讀閣。故亦曰閣門水。水經注

謝案一引晉興城下。有爲今之古鄯地六字。漢地理志。浩疊水出西塞外。東至允吾。入湟水。師古曰。疊者。水流峽山。岸深若門也。浩。音誥。疾言之。浩爲閣耳。

允吾縣西。卽湟水之源也。水經注

謝案地理志。烏亭逆水出參街谷。東至枝陽。入湟。應劭曰。允吾。音鉛牙。

湟水東流。逕湟中城北。故小月氏之地也。太平御覽

澗案、湟水本漢破羌縣地。屬金城郡。漢破匈奴，取西河地，開湟中，處月氏。卽此湟水，俗呼湟河。又名樂都水。南涼禿髮烏孤始都此。

湟水河在破羌縣南門前東過。六合水自南，破羌水自北，左右翼注。太平寰宇記

澗案、水經注引無東過六合水以下數字。寰宇記有之。應劭云：漢宣帝神爵二年，置破羌城。

西海縣。寰宇記引作允吾縣。西有卑禾羌海。世謂之青海。東去西平二百五十里。水經注。

澗案、初學記引云：臨羌縣西有卑禾海，謂之青海。

臨羌新縣在西海郡西百八十里。湟水逕城南也。城有東西門。西北隅有子城。湟水又東，右合溜谿，伏溜石杜，蠡四川，東北流注之。左會臨羌谿水。水經注。

澗案、漢地理志：臨羌西北至塞外，有西王母石室，僊海鹽池北，則湟水所出，東至允吾入河。龍夷城在臨羌新縣西三百一十里。王莽納西零之獻，以爲西海郡，治此城。水經注。

澗案、前漢地理志引云：臨羌西有卑和羌，卽獻王莽地，爲西海郡者也。又案寰宇記：龍夷城，漢西海郡治。石國西北三百里，故契翁虜所治。又案與姑臧縣西之龍夷城同名。彼是漢戊巳校尉所治地，一名晏然城也。

西平、張掖之閒。大月氏之別小月氏之國。水經注。

澍案後漢書。湟中月氏胡者。其王爲匈奴所殺。餘種分散。西踰蔥嶺。其弱者南入山。從羌居止。故受小月氏之名也。一云。大月氏本居敦煌。祁連閒。至冒頓單于攻破月氏。而老上單于殺月氏王。以其頭爲飲器。乃遠去。過大宛。西擊大夏。而臣之。都嫺水北。爲王庭。其餘小衆不能去者。保南山。羌號小月氏。西平亭北有土樓神祠。水經注。

澍案水經注云。湟水又東。逕土樓南。樓北倚山。原峯高三百尺。有若削成。樓下有神祠。雕牆故壁存焉。金城在西平西北六十里遠。水經注。

澍案應劭云。初築城得金。故曰金城。薛瓚云。金者。取其堅固也。故墨子有金城湯池之言。

金城郡有金城關。初學記。

澍案金城關。卽河關。在縣西南。臨河積石山。在西南羌中。河水行塞外。東北入塞內。至章武入海。

金城河初與浩疊河合。又與勒且河合。水經注。

澍案酈道元曰。湟水又東。勒且谿水注之。水出安夸縣東南。勒且谿北流。逕安夸城東。而北入湟水。湟水有勒且之名。疑卽此號也。

黃河至金城縣。謂之金城河。隨地爲名也。水經注。

澍案湟水東流。注於金城河。卽積石之黃河也。

大河在金城北門東流。有梁泉注之。出縣之南山。水經注

澍案酈道元曰。案耆舊言梁暉。字始娥。漢大將軍梁冀後。冀誅入羌後。其祖父爲羌所推爲渠帥。而居此城。水荒民亂。暉將移居。枹罕出頓此山。爲羣羌圍迫。無水。暉以所執榆鞭豎地。以青羊祈山神。泉涌出。榆木成林。北流注于河也。

安夷縣故城。城有東西門。在西平亭東四十里。水經注

澍案酈道元以爲七十里。湟水東逕安夷縣故城也。

延壽縣。在酒泉郡西。金山在其東。至玉石障。是亦漢遮虜障也。太平寰宇記

澍案遮虜障。路博德築。李陵敗。與士衆期至遮虜。卽此。延壽城中有山。出泉注池。其水肥如肉汁。然之如油。極明。但不可食。此方人謂之石漆。得火愈熾。九州要記。金山有赤彈水。堪爲漆用。

長寧亭北有養女嶺。卽浩疊山。西平之北山也。水經注

澍案一引作浩疊之西山。西平之北山也。又案酈道元云。養女北山有二源。皆長湍遠發。南總一水。逕

養女山。謂之養女川。

養女川。亂流出峽南。逕長寧亭東。城有東西門。東北隅有金城。在西平西北六十里。太平御覽

澍案水經注文與此同。不曰十三州志。惟六十里作四十里云。十三州志曰六十里。遠矣。是酈氏本系